

Emision di stampia nobo di Museonan Historico obtenibel awor



STA. CRUZ -- Post Aruba N.V., orguyoso di cultura Arubano, ta prepara un set nobo di stampia riba cual e 4 museonan local mas importante ta figura. Artista Stan Kuiperi ta

pariba) y ta bao direccion di famia Odor. E ta contene un coleccion asombroso di obhetonan di antiguedad, hayazgonan arqueologico, herment-yotroutensiyonan, exponi den cuatro sala



splica significacion di cada stampia:

70 cent: E stampia aki tin e diseño di Museo di Antiguedad. E museo aki ta situa den Timbalstraat 11 (Tarabana of Dakota

completo. Casi tur aspecto di bida di siglo 19 y 20 ta representa pa obhetonan cu ta exponi, meticulosamente colecciona pa e famia y garantiza pa hiba cualkier bishitante riba un viahe atraves di tempo.



E diseño ta refleha e residencia, y na banda drechi un vitrola y tambe un lampi di kerosin (lanterna) antiguo.

85 cent: Museo Numismatico Aruba ta diseña riba e stampia aki. E ta mustra e edificio historico restaura, situa dilanti di tereno di haf na Oranjestad (entrada di parada di Arubus). E edificio aki ta data di rond 1860 y ta un bunita ehempel di e cas di famia estilo 'cas tipico' of 'cas di cunucu'. Na aña 2000 a muda e cas aki for di su lugar original den Caya Grandi pa su localidad actual. Awor e ta ubica Museo Numismatico y un galeria di arte, exponiendo un coleccion interesante y extenso di coleccion di moneda y placa local y internacional. E obhetonan dibuha na parti ariba di e stampia ta ehempelnan di placa cu Indiannan Caquetio tabata usa. Nan tabata yama e cocolishinan rondo y bora 'boton', pasobra nan parce boton. E moneda di un-cuart ta 8 real Spaño di plata. A corta e moneda aki den cuatro pida na 1798, tempo cu tabata tin escasez di placa larga riba nos isla. Esaki ta e predecesor di nos actual moneda cuadra di 50 cent cu nos ta yama 'yotin' (tin ta yam'e 'gurdein' tambe). E moneda grandi ta un moneda conmemorativo moderno di plata di 25 florin.

100 cent: E stampia aki tin Museo Arqueologico Aruba diseña riba dje. E museo aki ta situa den e edificio historico di 'Compleho di Edificio Ecury' (den Schelpstraat na Oranjestad), un serie di siete edificio



historico. E edificio aki tabata pertenece na famia di comerciante Dundun Ecury. Nan a caba di construi e edificio principal na aña 1929. Su estilo arquitectonico remarcabel y e arte di madera decorativo complica di 'peperkoek' a haci'e un di e edificionan historico mas importante di Aruba. E ta tambe e cas na unda e heroe Arubano di e di dos guera mundial, Boy Ecury, a nace.

Departamento di Monumento Aruba ta reconstruyendo henter e compleho di edificio aki. E obhetonan dibuha na man drechi ta e embarcacionnan ceremonial di klei (ariba y abao) di Indiannan Caquetio. Esakinan ta mas o menos 600 aña bieu y tabata usa nan pa warda cuminda y awa. Na Sero Muskita nan a haya e herment di piedra cu ta mustra un tecnica di trahamento di herment for di mas o menos 4000 aña pasa. Por mira e obhetonan aki den e coleccion di Museo Arqueologico.

135 cent: E stampia aki ta refleha Museo Historico Aruba. E parti robex ta mustra e parti principal di e edificio di e museo, e historico Toren Willem III. Tradicionalmente e toren ta pinta cora, blanco y blauw,

segun e bandera Hulandes. Museo Historico Aruba ta situa na Playa (dilanti di oficina di Gobernador). E toren ta parti di Fort Zoutman, un forti historico cu nan a caba di traha na 1798 pa proteccion di entrada di haf di Aruba.

E toren mes a keda cla na 1868. E tabata un toren di oloshi y tambe un faro pa e seccion di haf. Esaki a keda funciona te na 1963. E ta carga number di Rey Hulandes Willem III. Dia 19 di Februari 1868 a inaugura e forti aki, riba dia di hacimento di aña di e Rey. Awendia, den e forti, tin un exhibicion di un cushina tradicional.

E parti drechi di e diseño ta refleha detaye di un lomba di un stoel di zoya (di palo) di Aruba, y un portret preto cu blanco di un famia rural Arubano durante e prome decadanan di siglo 20. Por haya tur dos obheto den e coleccion di Museo Historico Aruba.

E emision aki di stampia ta obtenibel na Oficinanan di Post na Oranjestad, San Nicolas, Santa Cruz y na Royal Plaza, cuminzando dia 2 di Juli proximo te dia 1 di Juli 2008, pa tur cliente cu ta desea di tin un edicion special relaciona cu nos cultura.